



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 56. Electio Stanislai in Poloniae Regem.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. tes numero & constantia crescerent, ac
 A. C. 1704. Sandomirienfes foederati Varfaviensium
 acta, tanquam irrita, seditiosa, ac per-
 fida, publico juratoque edicto damna-
 rent. Prævaluit nihilominus violenta
 potentia Caroli XII. Sueciæ Regis, qui
 non modo Dantiscanos a legitimi sui
 Regis obsequio impositis gravissimis
 exactionibus avertit, sed etiam omni-
 bus, quas in Prussia habebat, copiis
 ad se accersitis, sibi adhærentium fa-
 ctionem eo impulit, ut novi Regis e-
 lectionem ad duodecimam Julii diem
 indicerent: Disceptatum, cui deferen-
 dum esset regni sceptrum? id acceptare
 noluit Princeps Alexander defuncti Re-
 gis Filius, ne captivorum fratrum suo-
 rum sortem adhuc pejorem redderet.
 Cardinalis Primas Lubomirskio Prin-
 cipi, Sueciæ Rex Jacobo Sobieskio,
 & denique foederati Varfavienses Lesc-
 zinskyo Posnaniensi Palatino favebant,
 qui etiam Primate tum ægritudinem
 simulante, ac propterea absente, inter
 acerrimas altercationes, jurgia & op-
 positiones, eundem Stanislaum Lesc-
 zinskium, etsi sufficientia non habuisset
 suffragia, in novum Regem procla-
 marunt, vehementer reclamantibus
 foederatorum Marefcallo, & Podlachien-
 sibus Deputatis. Peracta tumultuaria
 hac electione Posnaniensis Episcopus
 Stanis-

Stanislaum Varfaviæ ad Ecclesiam con-
 duxit, ibique inaugurationis solemnia
 peregit: novum quoque hunc Regem
 tres Oratores Sueci, atque inter eos
 Hornius Comes salutabat, paucisque
 post diebus eum ipse Rex invisit, Lu-
 bomirskius vero ad Augusti partes
 transit; quo comperto Rheinschildus
 Suecus Bellidux cum valido agmine
 Cracoviam contendit, & Augustum
 Regem Pietrowinam usque infecutus
 die vigesima sexta Augusti præsentem
 Carolo Suecorum Rege Leopolim Rus-
 siæ parvæ Metropolin occupavit, om-
 nemque auream & argenteam supel-
 lectilem ex ipsis quoque Ecclesiis ab-
 stulit, nec his contentus, insuper sub
 prætextu lytri a Polonis nondum soluti
 ingens æs extorsit. Interea Augustus
 cum quatuor Cosaccorum & sexdecim
 Moscorum & duodecim Saxonum milli-
 bus die tertia Septembris inopinato
 Siniava Varfaviam contendit, ubi cives
 ultimam vim veriti, ultro portas a-
 peruere. Ægre Stanislaus Neorex vi-
 ribus impar unacum Matre & uxore
 sua, Cardinale Primate, supremo exer-
 citus Præfecto, & Senatorum potissi-
 mis fuga salutem quærere poterat:
 Hornius autem Comes, duo Sueciæ
 Regis Ministri, & Posnaniensis Episco-
 pus ad arcem se receperant, qua ta-
 men

Sæc. XVII.

A. C. 1704.

Hist. Eccles. Tom. LXVII.

O men

Sæc. XVII. A. C. 1704. men ab Augusto Rege obfessa, ac post
biduum dedita una omnes die quinta
capti fuere, & Episcopus, uti retulimus,
Horatio Papæ Nuntio traditus est. Horum
fata vindicaturus Sueciæ Rex, cum exercitu
suo Varfaviam movit, atque in Polonia majori
Augustum insecutus, in toto certamine eum fudit,
ac Dresdam usque profugere compulit.

§. LVII.

Perfida Gallorum vindicta contra Saxo-Zeitzanum Cardinalem.

Vit. Card.
t. 1. p. 335.

Ea erat tum temporis Gallorum in-
temperies, ut varios Principes le-
nociniis, promissis, & minis ad suas
partes, factionemque pertrahere haud
contenti, etiam hos, quos vel neu-
trius partis studiosos scirent, vel sibi
adversos suspicarentur, pro hostibus
haberent, proin vel aperta violentia,
vel ficariorum ope clam e medio tol-
lendos censerent. Haud ignorabant,
quod Cardinalis Christianus Augustus
Princeps Saxo-Zeitzanus, Episcopus
Jaurinensis, ac Cathedralis Ecclesie
Coloniensis Præpositus a Cæsare ad
Coloniensem Electorem ablegatus, eun-
dem a fædere cum Gallis ineundo ab-
sterrere molitus esset, & contra captam
Kaiserwerthæ possessionem nomine to-
tius